

Ջ. Ա. ՂԱԶԱՐՅԱՆ

ԲԱՐՈՅԱԿԱՆ ՄԻ ՔԱՆԻ ՄԱՁԲՈՒՆՔՆԵՐ «ՍԱՍՈՒՆՑԻ ԴԱՎԻԹ» ԷՊՈՍՈՒՄ

Գեղարվեստական ոչ մի ստեղծագործություն չի կարող այնպես արտահայտել ժողովրդի կյանքի ամբողջությունը, ինչպես էպոսը:

Էպոսը պատկանում է ժողովրդական այն ստեղծագործությունների թվին, որոնք, Վ. Ի. Լե-նինի բնորոշմամբ, ճշմարտացիորեն ու բաղձալիցիանի արտացոլում են ժողովրդի կյանքն ու սխրանքները, «ժողովրդական հոգեբանությունը... ժողովրդի ձգտումներն ու սպասելիքները»¹:

Այս իմաստով բացառիկ է «Սասունցի Դավիթ» էպոսի դերը մեր հոգևոր մշակույթի պատմության մեջ:

«Սասունցի Դավիթ» էպոսում մարմնավորվել են հայ ժողովրդի պատմության հերոսական էջերը, նրա մաքառումներն ու վսեմ զաղափարները: Այն ոչ միայն գեղեցիկ կոթող է, դյուցադուռների մի շքնաղ վիպերգ, այլև սերունդներին հայրենասիրության ու հումանիզմի, խաղաղասիրության ու աշխատասիրության ոգով դաստիարակելու մի հզոր միջոց:

«Սասունցի Դավիթ» աշխատավոր ժողովրդի բարոյական սկզբունքների կտակարանն է, այն դասվում է մարդկային մտքի բարձրագույն նվաճումների շարքում:

Դյուցադուռների մեջ մարմնացած ժողովրդի բարոյական հատկություններն արտացոլում են հասարակական այն ուժի հարաբերությունները, որոնցում ապրել է ինքը՝ ժողովուրդը:

Նա դրանք կերտել է ստեղծարար աշխատանքի ընթացքում և իր ազատագրության համար մղած պայքարում:

Նման հանգամանքներում են ձևավորվել հայ ժողովրդի բարոյական այնպիսի սկզբունքներ, ինչպիսիք են հումանիզմը, աշխատանքի ու աշխատասիրության ըմբռնումը, հայրենասիրությունն ու ժողովուրդների բարեկամությունը, որոնք իրենց բարձրագույն արտացոլումն են գտել «Սասունցի Դավիթ» էպոսում:

Ներկա ուսումնասիրության մեջ էպոսը դիտվում է իբրև աշխատավոր ժողովրդի ստեղծագործություն, իսկ նրանում մարմնացած բարոյական սկզբունքները որպես տիրապետող-շահագործող դասակարգին հակադիր բարոյական հայացքներ ու նորմաներ:

Աշխատավոր մարդկության դարավոր մտորումներն ու երազանքները, մարդկանց բարոյության համար պայքարելու զաղափարներն անպաճույճ ու հստակ ձևով արտահայտված են Սասնա դյուցադուռների շորս սերնդի կերպարներում, որոնք իրականացնում են արդար ու սուրբ աշխատանքը: Էպոսի հերոսները աշխատանքի մարդիկ են՝ ստեղծագործ ու շինարար, նրանք արքայական պալատներում չէ, որ մեծանում են, նրանք հացի են նստում հովվի, գութանավորի հետ, եղբայրանում և պայքարում նրանց բարոյության համար, ոչնչացնում օտար բռնակալներին, բոլոր շար ուժերին, որոնք ձեռք են բարձրացնում նրանց արդար հացի ու խաղաղ կյանքի վրա:

Ժողովուրդը աշխատանքը համարում է առատության ու երջանկության միակ աղբյուրը: Վերաբերմունքը դեպի աշխատանքը՝ բարոյական ամենաբարձր սկզբունքն է էպոսում:

Ժողովուրդը չի հանդուրժում այն, ինչ իր սեփական աշխատանքով չի ստեղծվել, ինչ որ արդար վաստակի արդյունք չէ, «խալալ» չէ: Աշխատանքով են սկսվում նրանց դյուցազնական գործերը: Հենց Սասնա բերդի կառուցումը մի «գործնդեղ» գետափի վրա՝ խորհրդանշում է աշխատանքի վեհությունը:

«Իսկական հերոսությունը — գրում է Հ. Յոբելին, — հատուկ է նրանց, ում մատչելի է և՛ սրի, և՛ մուրճի, և՛ մանգաղի սխրագործությունը... սուրն ամենից ավելի ամուր կպահի այն ձեռքը, որ վարժվել է պահել մուրճը և գութանի մաճը»²:

¹ Вл. Бонч-Бруевич, Ленин о поэзии, Набросок из воспоминаний, «На литературном посту», 1931, № 4, стр. 4.

² Հ. Ա. Յոբելի, Ձեկուցում էպոսի 1000-ամյակի առթիվ, «Գրական թերթ», 1939, № 29, էջ 3:

Սասնա հերոսների համար աշխատանքը կենսական անհրաժեշտություն է, հացը ստեղծվում է աշխատանքով:

«Գնանք մշակութիւն, աշխատենք և ուտենք», — ասում է Բաղդասարը Սանասարին³: Աշխատելու և արդար աշխատանքի պտուղները վայելելու միտքը հատուկ է էպոսի բոլոր դրական հերոսներին, այդ միտքը կարմիր թելի պես անցնում է էպոսի սկզբից մինչև վերջ: 'Դավիթը սպանում է Սասուն (= Հայաստան) եկած հարկահաններին և կենդանի է թողնում միայն մեկին՝ պատվիրելով հայտնել բռնակալ թագավորին. «Խաբըն ի՞նչ ա, խարաջն ի՞նչ ա, ինքն ո՞ւր, մենք ո՞ւր: Ես իր համար աշխատի, ուտի, և մենք մեզ համար»⁴:

Սասունում ստեղծված խաղաղ ու ապահով կյանքը դեպի իրեն է ձգում ֆեոդալական դաժան շնչումներից տառապող աշխատավոր մարդկանց.

Շատ մարդեր որ լսան, ասին.

— ...Ջհը, վալլա, մենք կ'երթանք էդա Սասուն

Որ երկու փալավան կա,

Որ մեկ մարդ մեր մայեր չղարեն, տանի⁵:

Էպոսում պատկերվում է երկու կարգի աշխատանք՝ ստրկական և ազատ:

Ստրկական ու տանջալից աշխատանքի պատկերումը էպոսում սոցիալական թշուառ վիճակի և օտար հարստահարիչների դեմ բողոքի ու ցասման արտահայտությունն է: Բռնի, հարկադրական, ոչ մարդկային աշխատանքի հետևանքով է, որ Սասնա կսնայք ու տղամարդիկ ողբերգություն են ապրում:

Մարմնիքը բռնակալին հատուկ դաժանությամբ հարկահաններից պահանջում է պաշարված Սասունից բերել զեղեցիկ հարսներ ու աղջիկներ հարկի դիմաց:

Գացեք տասը հարս ու աղջիկ բերեք.

Խինդը իմ ոտները մածա,

Խինդն էլ երեսիս նանձերը քշա՛ճ:

Նրանց տանում են Մար «ուղտ» բառնալու, «երկանք» աղալու և «ղարավաշ» դառնալու համար: Ահա այդ ստրկական աշխատանքն է, որ առաջ է բերում ժողովրդական ցասում:

Սակայն ինչպես Սասնա բերդի կառուցման, այնպես էլ Մարութա վանքի վերաշինման ժամանակ աշխատանքը դառնում է հաճելի, զերծ հարկադրանքից ու բռնադատումից, կրում է համաժողովրդական բնույթ և ծառայում ընդհանուրի բարօրությանը:

Կառուցել պաշտպանվելու համար՝ ահա աշխատանքի նպատակը: Սասնա դյուցազունների նման սումերական էպոսի դյուցազն Գիլգամեշը խորհուրդ է տալիս Ուրշանարին պարսպի ներսում տուն կառուցել և խաղաղությամբ ապրել. «Ուրուկի մեջ տուն մը շինիր և օրերդ խաղաղությամբ ապրես»⁶:

Եթե հայկական էպոսում ժողովուրդը արդարության ու առատության երազանքն սրտահայտել է զորքերի մասրալափ և դարու ընկողաչափ լինելու այնպիսի լայն ֆիննական «Կալեվալայում» առատության ու մարդկանց բարօրության զաղափարը պատկերվել է դարբին Բլմարինենի կոփած ինքնազաջ Սամայոյի միջոցով: «Ոս անպայման կսարքեմ հրաշագործ-ինքնազաջ Նամայոն, որ ամեն բարիք ստեղծի մարդու համար»⁸ — ասում է իյմարինեն: Ինչպես հայկական, այնպես էլ ֆիննական էպոսներում այն բարձրագույն զաղափարն է արտահայտված, որ ստեղծագործ աշխատանքով է հնարավոր կբազ ու լույս ձեռք բերել ժողովրդի համար, որ մարդկության բարօրության աղբյուրն աշխատանքն է, ումենաստեղծ ու սուրբ աշխատանքը:

Ազատ ու արդար աշխատանքի տենչացող ժողովուրդը երազել է մեկընդմիջտ ոչնչացնել պատերազմը, կոտրել բոլոր արյուն թափող սրերը, ապրել խաղաղ: Էպոսը ծայրեծայր լիափանցված ու ողողված է խաղաղ աշխատանքի մեծ զաղափարով և այդ «զաղափարը նրա վրա սավառնում

3 «Սասնա ծոեր», հատ. Բ, երկրորդ մաս, էջ 19—20:

4 Նույն տեղում, էջ 34:

5 «Սասնա ծոեր», հատ. Ա, էջ 945:

6 «Սասնա ծոեր», հատ. Բ, երկրորդ մաս, էջ 135:

7 «Գիլգամեշ», Երևան, 1963, էջ 105:

8 «Калевала», Москва, 1956, стр. 216

է, ինչպես արևը ձրկրի վրա» (Իսահակյան), խաղաղատենչ Սասունցի Դավիթն իր հզոր ձեռքերով կոտորում է քառասուն փահլեանների սրերը ու հայտնում մարդկանց, որ դրանք լավ խոփեր էին։

Դավիթն էլ ուշիկ մելավ,
էնոնց թրիւ ժողովից, բռնից ուր ձեռ,
Սորա հըմեն կոտորից, ասաց.
— Էսոնք խորոտ խոփ կելնի՞9:

Դավիթի փառաբանած աշխատանքի և խաղաղության դադափարը ոչ միայն խորապես ազդեցիկ է, այլև համամարդկային։

Մեծ քերմությամբ ու հարգանքով է պատմվում էպոսում դուքանի ու դուքանավորի մասին։ Գուքանը, գուքանով հերկելու ամենակենսակալն է ժողովրդի համար. չէ՞ որ «աշխաբնը դուքնի մոտ կը չիանա»¹⁰։

Արդար աշխատանքով հաց վաստակելու, ապրելու դադափարը էպոսում առաջադրվում է քաղես քարծրագույն քարոյական սկզբունքով։

* *
*

Էպոսում առաջնային տեղ են զբաղում նաև հայրենասիրության ու ժողովուրդների բարեկամության, բռնակալության դեմ հայ ժողովրդի մղած ազատագրական պայքարի ու անկախության պաշտպանության դադափարները։ Դրական հերոսներն այդ մեծ դադափարների կենդանի կրողներն ու իրականացնողներն են։

Հայրենիքի ազատության դադափարը բարոյական հզոր ուժ է տալիս էպոսի դուցազուններին ավելի խորն ատելու օտարազգի նվաճողներին. դա վեհացնող, ազնիվ ու բնական զգացմունք է։ «Հայրենասիրությունը՝ առանձնացված հայրենիքների՝ դարերով ու հազարավոր տարիներով ամբացված ամենախորն զգացմունքներից մեկն է»¹¹, — գրում է Վ. Ի. Լենինը։

Հայրենասիրությունն, ընդհանրապես, ունի ոչ միայն համազգային, այլև դասակարգային բնույթ։ Սակայն պատմական կոնկրետ պայմանների առկայության դեպքում, երբ ժողովուրդը ազգային-ազատագրական կռիվ է մղում արտաքին թշնամու դեմ, կարող են միավորվել ամենատարբեր սոցիալական ուժերը։ Արտաքին հակասություններն առաջին պլանի վրա են մղվում և դրանց լուծումը դառնում է հիմնականը, որոշողը, պիտավորը։ Այդ դեպքում է, որ հայրենասիրությունը բնորոշում է համազգային կերպարանը։

«Սասունցի Դավիթ» էպոսում օտար բռնակալության դեմ հայ ժողովրդի մղած ազատագրական պայքարը նույնպես իրենից ներկայացնում է առաջին պլանի վրա դրված արտաքին հակասությունների լուծման գեղարվեստական պատկերը։

Էպոսի հայրենասիրությունը համազգային է, քանի որ թշնամին դալիս է ոչ միայն շահագործելու, հարկ տանելու, այլև ոչնչացնելու ժողովրդին, կործանելու երկիրն այնպես, որ «այ Սասուն անուն չեղնի աշխարհիս մեջ»¹², մի հանդամանք, որ ստիպել է «սաղ Սասունը» ոտքի հանել ընդդեմ թշնամու։

Այս իմաստով գեղարվեստ է համաձայնել Վ. Կ. Չալոյանի «Հայկական ռենեսանս» մեծարժեք աշխատության մեջ սրտահայտված այն կարծիքի հետ, թե «Սասունցի Դավիթ» էպոսի պատմական հիմքը «...ֆեոդալական շահագործման դեմ աշխատավորների սոցիալ-դասակարգային պայքարի ծայր աստիճանի լարված վիճակն էր»¹³, իսկ արտաքին նվաճողների դեմ մղած դադափարը՝ «մի այլ հիմք», այսինքն՝ երկրորդական, ոչ հիմնական։

Սակայն որքան էլ ցայտուն են արտացոլված շահագործող ֆեոդալական վերնախավի դեմ աշխատավոր ժողովրդի ընդվզումներն ու պայքարի ոգին, այնուհանդերձ, ընդհանրապես էպոսներում, և մասնավորապես «Սասունցի Դավիթ»-ում, առաջին պլանի վրա դրված հիմնական հարցը ընդունվում է օտար նվաճողներից հայրենիքի ու ժողովրդի ազատագրության հարցը։

9 «Սասնա ծռեր», հատ. Ա, էջ 1013։

10 «Սասնա ծռեր», հատ. Բ, երկրորդ մաս, էջ 512։

11 Վ. Ի. Լենին, Թրկեր, հատ. 28, էջ 227։

12 «Սասնա ծռեր», հատ. Բ, առաջին մաս, 1944, էջ 176։

13 Վ. Կ. Չալոյան, Հայկական ռենեսանս, 1964, Երևան, էջ 87։

Մարքսը «Ասք Իդորի գնդի մասին» դյուցազներգության վերաբերյալ գրում է. «Պոեմի իմաստըն է՝ ուսա իշխանների միավորման կոչը հենց մոնղոլների արշավանքից առաջ... Ամբողջ երգը... հերոսական բնույթ է կրում»¹⁴:

Հեգելը էպիկական երկի հիմք հանդիսացող պատերազմը համարում է «համաշխարհային պատմական արդարացում»¹⁵ վայելող հանգամանք:

Ռուսական էպոսի դյուցազն Իլյա Մուրոմեցը, հայրենիքին սպառնացող վտանգի առջև, մոռացության է տալիս իշխանավորից ստացած վիրավորանքը և հսկայական դուրյուր առած իր «ախպերացուների» հետ գնում է երկիրն ազատելու վայրագ թշնամուց: Ֆրանսիական քաջարի Ռուլանգը որոտացող ձայնով հնչեցնում է իր հսկայական փողը, ազատության կոչի է կոչում ժողովրդին՝ պաշտպանելու հայրենի Ֆրանսիան: Իրանական էպոսի դյուցազուններ Ռուստամի և էսֆիանդարի սխրագործությունները կատարվում են հայրենիքի ազատությունն ապահովելու՝ Իսրանի հորդանների, Մազանդարանի դեերի և Հոռմի գնդերի կործանող հարվածներից:

«Սասունցի Դավիթ» էպոսում ժողովուրդը կոչի է դուրս եկել արաբական բռնակալության դեմ, որը ոչ միայն նվաճել է երկիրը, ոչ միայն անսահման քանակությամբ հարկեր է տանում, այլև որպես հարկ տանում է գեղեցիկ կանանց, սպանում տղամարդկանց: Ահա թե ինչու դառնորեն ողորում է սասունցի պառավը (=ժողովուրդը)՝

Ոսկին ըլներ, ուր կոխ ուտեր...
Ախճրկներ արմաղան կը տանի,
Տղամարթեր հրմեն կը սպանի,
Մեղի հրմեն եղսիր կը տանի¹⁶:

Հետևապես, Դավիթի սուրբ ժողովրդի պատվի և իրավունքի պաշտպանության համար օտար բռնակալների վրա բարձրացվող ժողովրդի ցասման կայծակնացայտ թուրն է: Եվ որպես իրավաված ճշմարտություն՝ որդեկորույս մոր սրտակեղեք ողբն է էպոսացել, Սասնա մայրերի՝ «չալու աչքերի» արտասուք սրբող Դավիթի հերոսությունն է էպոսացել:

Էպոսի հերոսների համար ժողովրդի, հայրենի հողի պաշտպանությունը կյանքի պայման է: Մովինարը նախընտրում է իր մահը, քան ժողովրդի ոչնչացումը: Սանասարն ու Բաղդասարը կառուցում են հայրենի սջախը, ազատագրում երկիրը բոլոր ֆեոդալ-դեերից ու հրեշներից:

«Սասունցի Դավիթ» վիպերգը հայրենասիրական ներբող է, բնությունն անդամ շնչում է այդ սրբազան զգացումով: Հայրենի արեն էլ բարի է, անվտանգ. «...Մհեր, զգուշ կաց, ըստեղ Սասնա արև չի, Հայեպի արեն օ, քղի կը գարկա»¹⁷. — ղգուշացնում է Դոհարը:

Ինչպես հողն է համարվում հայրենիքի խորհրդանիշը, այնպես էլ ջուրը հայ ժողովրդի ուժի նրա դյուցազուն դավակներին հաղթանակի անկոտրում հավատով տագորող կաթնաղբյուրն է: Զրի մոտ լինելու զաղափարը էպոսի հերոսների համար չափազանց հատկանշական է: Սանասարն ու Բաղդասարը Սասնա բերդը կառուցում են — «ծանր» ու «որջ» ջրի վրա: Քեռի Թորոսն ասում է Սանասարին.

Հառ, էս Իզտի ջուր որց ջուր ա,
էրթանք, խասնինք ըստու գլուխ,
Մեր դասարեն շինինք...¹⁸:

Ապա շարունակում է. ով որ «զուր տուն լե սուկե վրթ իղա ջրին», ընդրա ավլաղ լե որ եղնի՝ հրմյա գորեղ կ' եղնի»¹⁹:

Հայրենասիրությունը էպոսում գերագույն չափանիշ է առաքինության և մարդկայնության Սասնա դյուցազունների համար անազատ հայրենիք ունենալը մահից վատթար է:

Մեծ Մհերը Սասնա «ճրագը» վառ պահելու հույսը սրտում վերադառնում է Մսրից: Հայրենիքի ապագան հառնում է նրա առաջ: Առյուծին, դեերին ու Մսրամեկիքին հաղթող դյուցազուն:

14 «Մարքսը և էնգելսը արվեստի մասին», հ. 1, Երևան, 1963, էջ 658:

15 Հ. Է. Գ. Ե. Բուն էպոսի առանձին հատկանիշները, «Խորհրդային գրականություն», 1950, № 1, էջ 163:

16 «Սասնա ծոեր», հատ. Ա, 1936, էջ 1108:

17 «Սասնա ծոեր», հատ. Բ, Երկրորդ մաս, 1951, էջ 212:

18 Նույն տեղում, էջ 652:

19 «Սասնա ծոեր», հատ. Բ, առաջին մաս, 1944, էջ 9:

դառնում է մի լուսամիտ փիլիսոփա. նվն դրժեն Երզումբ, կենակցեն ու որդի ունենան, կմենեն նույն օրը և ղյուցաղուն Մհերը, և շքնաղ Լեւազանը: Նրանց առաջ ղրված է իրենց այսօրը և հայրենիքի վաղվա հզորությունը:

Սևփական կյանքի կորուստը դեռ կորուստ չէ ժողովրդի. ավելին, այդ այնպիսի կորուստ է, որ կյանք է ծնում, ապրելու ու հզոր մնալու հավատ: Ահա թե ինչու Դավթի ծնվելուց հետո իրենց անխուսափելի մահվան վերաբերյալ կնոջ նախազգուշացմանը Մհերը պատասխանում է էպիկական կատարյալ հանդարտությամբ, կյանքը անսահման սիրող և իր ժողովրդի կյանքի հարատևման համար մահ ընդունող հերոսի նման.

Միւ տղան որ սաղ ըլնը,
Միւք ղենա սաղ կը հիշվինք.
Մե տղեն որ ըլնը՝
Մե տան անուն շկորուսը.²⁰

Իսկ Մամիկը (Մհերի մայրը) Մհերի մահից հետո, երբ Սասունը կրկին ընկել էր զավթիչ Մեխիքի բռնության տակ, ուխտ էր արել՝ դուրս չգալ արևելքս, քանի մի ղյուցաղուն Մհերի տեղը չի բռնել:

Ժողովուրդն իր հաղթանակի գաղափարը, անպարտելիությունը ճշմարտացիորեն գտնում է իր միասնության մեջ: Երբ Դավիթը արգարացի զաժանությամբ պատժում է հարկահավաքության համար Սասուն եկած Մսրա փահլաններին, ահա թե ինչ է մտածում ժողովուրդը. «...որ Սասունա մի մարդ կրոնա սպանի ուրանց (Մսրա) փահլաններուն... ղե, բրա որ սաղ Սասունն ոտի էլնի, էլ էն ժամանակ Մսրը կը մնա աշխրիս Երեսին»²¹:

Սա «գեղ կանգնի, ղերան կկոտրի» ժողովրդական իմաստությունն է. միակ ու ճշմարիտ հայացքը, դասակարգային հաւարակության մեջ ժողովրդի, ազգի փրկությունն իր հավաքական ուժի մեջ տեսնելու անառարկելի գաղափարը:

Հայրենիքի նկատմամբ Դավթի ունեցած սերը բխում է մարդկանց նկատմամբ ունեցած սիրուց: Նա կոչում է ոչ միայն իր ժողովրդի իրավունքն ու պատիվը պաշտպանելու, ստրկացնող ձեռքից Սասունը ազատ պահելու համար, այլև ազատագրում է բռնակալի լծի տակ հեծող ժողովրդին: Սա իսկական հայրենասիրություն է, ժողովուրդների բարեկամությունն իր մեջ ներառող համամարդկային գղացմունք:

«...Հայ ղյուցաղնը,— զրում է Թումանյանը,— Հայկից սկսած մինչև Դավիթ, հասաքակ ոսնչպար ժողովուրդը ջոկում է տիրոջից, թաղավորից, բռնակալից և սուրբ բարձրացնում է մի-միայն բռնակալի դեմ, և ոչ երբեք ժողովրդի»²²:

Դավիթը Մսրա ղորքին անվնաս ետ է ուղարկում, պատվիրելով զբաղվել խաղաղ ստեղծագործ աշխատանքով, իսկ պարզեած ազատության համար իրրև «հատուցում» ցանկություն է հայտնում, որ իր «հորն-մորն» ողորմի տան: Իսկ մի ուրիշ պատումում, որպես ոսգմավար Դավիթը վերցնում է մի զույգ հզ. մի սալլ, այն էլ՝ Մսրամեխիքի ձախ ականջը վախկոտ ու նողկալի Վերդոյին տանելու համար՝ իրրև պատասխան նրա քամահրանքին:

* * *

Հայ ժողովուրդը, ինչպես ասում է պատմաբան Լեոն, ավելի խնամքով է նկարագրել բարի և չար ուժը, քան որն է ժողովուրդ: Օրինակ՝ իրանական էպոսի ղյուցաղն Ռուստամը հզոր է, ուժեղ, բայց անողորմ է, խորամանկ ու արյունարբու: Նա, երբ պարտվում է իր որդուց՝ խորամանկությանը թողություն է խնդրում, բնկած տեղից կրկին բարձրանում է և սպանում հաղթող Երիտասարդին: Ռուստամը ավելի շատ իր թագավորի, տիրոջ կամակատարն է, քան ժողովրդական սրբազան գաղափարի մարմնացումը: Աքիլլեսի, Ռուլանդի, Ջիզֆրիդի քաջագործությունները համեմատաբար ավելի նեղ գաղափարական բովանդակություն ունեն, քան Դավթի և Սասնա մուս ղյուցաղունների քաջագործությունները: Դավիթը իր տիտանական ուժը չի գործադրում վրեժի համար, ոչ էլ, ասենք, Ջիզֆրիդի նման Նիբելունգների ղանձը ձեռք բերելու նպատակով: Դավթի հոգուն խորթ են նենդությունը, խաբեությունը: Նա մարգու ամենասուրբ գաղափարի՝ ազատության

²⁰ «Սասնա ծռեր», հատ. Ա, 1936, էջ 165:

²¹ «Սասնա ծռեր», հատ. Բ, երկրորդ մաս, էջ 190:

²² Հ ո Վ հ. Թ ու մ ա ն յ ա ն, Երկերի ժողովածու, հատ. Ծ, էջ 225:

Համար մաքառող հերոս է: «Ժողովուրդը իր բարոյական գաղափարներն է ամփոփել Դավթի մեջ: — գրում է Արեգյանը²³:

Էպոսում հայրենիքի հզորության աղբյուրը աշխատավոր ժողովուրդն է: Դավթի կողմից պատուհասված կողբաղիներ պարտության պատճառը համարում է իրենց սխալ պատկերացումը Սասունի և սասունցիների մասին: Սասունցիների սրերի ու նետի սլաքների հզորությունը կողբաղիներ գտնում է «խուփական» լինելու մեջ, այսինքն՝ խոփերից ձուլված, խոփերից պատրաստված լինելու մեջ: Այստեղ խորապես նշմարիտ այն գաղափարն է արտահայտված, որ ամենահզոր զենքը աշխատանքի մարդու ձեռքով բռնած սուրն է:

Ժողովուրդը ո՞ր հայրենիքի համար է անձնազոհ կովի դուրս բերել իր հերոսներին և ինչպիսի՞ հայրենիքում է ուզում ապրել: Դյուցազնավեպի մի շարք պատումներում հերոսները հանդես են գալիս որպես թաղավորներ, երկրի կառավարիչներ: Այս հանգամանքը հող է տվել որոշ բանագետների էպոսը համարել ազնվական տների ստեղծագործություն, իսկ սմանք էլ հայտարարել են, թե վեպի հերոսները թագավորներ չեն, և բանը սրանով ավարտվել է:

Էպոս կերտող ժողովուրդը կամ ժողովրդի հոգեբանությունն ու հայացքն արտահայտող անհատ ասացողը Սասնա դյուցազուններին թագավոր դարձնելով՝ արտահայտել է ժողովրդապետության ստեղծման և կորցրած հալ պետականության վերականգնման երազանքը:

Ահա թե ինչպես է դիմում Եգիպտոսի միահեծան տերը հայոց թագավորին. «Ով Սենեքերիմ, ժողովրդյան բերնով թագավոր»²⁴: Սենեքերիմի թագավորությունը «խակական» թագավորություն չէր, իսկ ինքը՝ Սենեքերիմը, ժողովրդի կողմից բնտրված կառավարիչ էր ու արտահայտում էր ժողովրդի շահերը: «Իսկ Սենեքերիմ թագավորը մի աշխարացի մարդ լինելով՝ ապահովեց իրա ժողովրդյանը և նոցա լալու աչքերի արտասուքները մաքրեց»²⁵:

Վերջենք Փոքր Մեծի կերպարը: Դա ազատության ու երջանկության համար մարտնչողի ախտանշական կերպար է, ինչպես կովկասյան լեռներում գամված հունական Պրոմեթեոսը, վրացական Ամիրան ու արքայական Աբդիսկելը: Քարայրում վաղվելու էպիգոգով Մեծի կերպարում ժողովուրդը դրել է իր իմաստուն ոգին, տևական պայքարով ու անասելի դառնությամբ լի հր պատմության փիլիսոփայությունը, իր ապրելու ու հավերժելու հավատը, օտար բռնակալների ուժման ու անմարդկային լծից ազատագրվելու իր փայփայած րազմադարյան երազանքն ու ակընկալությունը:

Կեղևի վախժ րմ, Մեծը դուս կ'իզա,

Մրզի կ'աղաղա դուշմնի ձեռնեն-ճ:

Մեծը ամենից առաջ օտար կեղեքիչների դեմ, ժողովրդի ազատության բռնացողների դեմ պայքարի ելած հերոս է, մի անողոր բոունքը հայրենիքի թշնամիների նկատմամբ: Ավելի ճիշտ, նա հավասար ատելությունը ու հավասար ուժով է պատժում և՛ արտաքին, և՛ ներքին կողոպտիչներին:

Մեծի քարայրից դուրս գալը հայ ժողովրդի կորցրած ինքնությունությունը վերստին ձեռք բերելու երազանքն է ու շահագործումից զերծ ժողովրդապետություն ստեղծելու գաղափարը:

Մեծ վիպասան Րաֆֆին խոսելով Մեծի բանտարկված լինելու մասին, գրում է. «Մի օր նա (Մեծը) կը խորտակե իր շղթաները և իր ձիու վրա նստած՝ կը սլանա քարայրից, վրեժխնդիր էր լինի իր թշնամիներին և կը մաքրե հայոց աշխարհը շարությունից»²⁶:

Հայրենասիրության և մյուս ժողովուրդների նկատմամբ ունեցած բարեկամության գաղափարները էպոսում պատկերվել են ազատության համար պայքարի ելած հերոսների սիրաբաններով:

«Սասունցի Դավիթ» էպոսը որպես հումանիստական մեծ ստեղծագործություն մեզ հասել է իր ստեղծագործողի՝ ժողովրդի հոգու իսկական կերպարանքով: Էպոսի զլխավոր հերոսները իրենց մարմնավորում են հայ ժողովրդի ազատասիրական, մարդասիրական վեհ զգացումներն ու գաղափարները: Հումանիզմը այստեղ առաջադրվում է որպես բարոյական բարձրագույն սկզբունք, Դյուցազնավեպում առաջադիր բարոյական սկզբունքներն իրենց բովանդակությամբ համամարդկային են, բանի որ դրանք շահագործվող դասակարգի հայացքներն են և հակադիր են ստրկացնող դասակարգի, կործանող ու բռնակալ կառավարողների բարոյական հայացքներին: Ավելին, բովանդակությամբ համամարդկային են այն իմաստով, որ արտահայտում են դարերով կեղեքված

23 Մ. Արեգյան, Հայ ժողովրդական վեպ, «Ազգագրական հանդես», 1908, № 2, էջ 23:

24 «Սասնա ծռեր», հատ. Բ, երկրորդ մաս, էջ 37:

25 Նույն տեղում, էջ 27:

26 «Սասնա ծռեր», հատ. Բ, առաջին մաս, էջ 353:

27 Րաֆֆի, Երկերի ժողովածու, հատ. 5, 1956, էջ 74:

գոյադրկման ահեղ վտանգի առաջ կանգնած, աշխարհի շարության դեմ ելնող աշխատավոր ժողովրդի շահերն ու ցանկությունները:

Արտաքին ու ներքին շահագործողների նկատմամբ ժողովրդի պայքարն ու ատելությունը էպոսում ստացել են առասպելական զուլալություն: Ժողովրդի երևակայության մեջ այդ շահագործողները պատկերվել են դևի, վիշապի կամ մարդակեր պատավի կերպարանքով: Սանասարն ու Բաղդասարը սպանում են ջրարգել վիշապին, ազատում բաղմաթիվ անպաշտպան աղջիկներին: Կասնա ղյուցագուհիները սխրագործություն են կատարում մարդու բարոյության համար, ինչպես Երոֆեսոսը Չալոյանն է ասում՝ «Պրոմեթեոսի կրակից էլ թանկ բանի՝ ջրի համար»:

Հերոսավեպում «ժողովրդական երևակայությունը, որն այնքան շատ է նպաստել մարդկության դարդացմանը»²⁸, մարդկանց և աստվածների միջև անանցանելի պատենշ չի քաշել: Ինչպես Նունական էպոսում, մեր էպոսում էլ աստվածները մարդկային կյանք են վարում, շփվում մարդ-եանց հետ, սիրում, համբուրվում, զրուցում: Սակայն եթե հին հույներ իր կատարելությունը ռանկացել է տեսնել աստվածների մեջ, ապա հայկական էպոսում ժողովուրդն իր կատարելությունը տեսել է ոչ թե աստվածների, այլ իր նման մարդ-ղյուցագուհիների մեջ:

Սանա ղյուցագուհիները մեծագույն հումանիստներ են, նրանք տոգորված են այն ազնիվ լիրով, որի համար Պրոմեթեոսը աստվածների կամքին հակառակ կրակ տվեց մարդկանց:

Սանասարն ու Բաղդասարը սկզբից կառույցում են աղքատ մարդկանց տները, հետո իրենց տերը:

Առաջ շինենք զէղոնց ավաճիք,
Ու նոր շինենք գմբը բերդ.
Ըղ ֆուխարեք չըն կոնա
Արևուն առջև կենա²⁹:

Եվ այդ նրանք կատարում են ոչ թե անձնական փառքի ու երջանկության այլ մարդու բարոյության համար: Դա մեր էպոսի խոր դեմոկրատիզմն է, որով նա աչքի է ընկնում համաշխարհային էպիկական պոեզիայում:

Հումանիզմն է առաջնորդում երկվորյակ եղբայրներին նաև Պղնձե քաղաքում ծավալված դործողությունների ընթացքում: Բաղում շարչարանքներից հետո Բաղդասարը հասել է իր երջանկության դռանը. այնպիսի քաջագործություններ է կատարել, որոնց ընդունակ չեն եղել քառասուն կտրիճները: Բաղդասարը, իսկ մի քանի պատումներում նաև Սանասարը, չեն հանդուրժում Դեղ-ձուռի անմարդկային վերաբերմունքը: Բաղդասարը ջերմորեն սիրելով հանդերձ գեղեցկուհի Դեղ-ձուռին՝ կշտամբում է նրան և հետո չպսակվելու կամ սպանելու սպառնալիքով ստիպում է աղատել փեսացուներին կախարդանքից:

Բաղդասարի ամուսնության էպիզոդը հայկական վերածնության շրջանի սիրո, ամուսնության բաղմակնձիռ հարցի մարդկային լուծումն է, անհատի մարդկային զգացմունքների զնահատման ու արժեքավորման փայլուն արտահայտությունը:

Սանա ղյուցագուհիները հզոր են, ազնիվ, տված խոսքը սրբություն է նրանց համար. «Մեր մոտ սուտ չկա. մենք մեր խոսքին տեր ենք»³⁰, — ասում է Ջոջ Մելքոնը: Մեռնող ղյուցագնի վերջին ու միակ կտակը իր որդիներին լինում է այն, որ անգամ թշնամու հետ խորամանկություն չանեն, այլ շիտակ մնան ու կտրիճի նման բաց ճակատով հանդես գան. «Ձեր ղուշմնի խեղ կալպութեն շաներ, ապա կտրիճի պես կուլեք խեղ ինոնց»³¹:

Պատվի ու պարտքի զգացողությունից, թշնամու հետ շիտակ ու անկեղծ լինելու ներքին դրամից էլ, որ Մեծ Սինը կոխվ է գնում իր մեռած հորը ապատելու սուտ երդումից, «Կո ես էն քո սոսած ձոշ Մինըն իմ, մկա իկեր եմ վեր քե կոխվ, որ խասկանաս, թե իմ իներ ուր խոսքի տեր մարդ ի»³²:

Մհերը հանուն մարդու բարոյության կռիվ է դուրս գալիս առյուծի դեմ, սպանում է Սև եղան, ղեներին ու ժողովրդի այլ թշնամիներին: Էպոսի պատումներից մեկում Մեծ Մհերը հրամարվում է իրեն առավելություն տվող ղեկքերից և առյուծի հետ մարտնչում է բնությունից տված ուժով:

28 «Մարբար և էնգելսը արվեստի մասին», հ. 1, 1963, Երևան, էջ 325:

29 «Սանա ծոեր», հատ. Բ, առաջին մաս, էջ 12:

30 «Սանա ծոեր», հատ. Բ, երկրորդ մաս, էջ 40:

31 Նույն տեղում, էջ 432:

32 Նույն տեղում, էջ 437:

Մենքն առաջ.— «Առյուծի մերն էլ Աստված դանչելով ա ձեն, իմ մերն էլ ինձի յա բերե: Ես իմ ասպապն պիտի զնեմ զետին, զուլաշ կպնիմ առյուծի խետն»³³:

Էպոսում ժողովուրդը մեզ ներկայացնում է 'Դավթի բնավորության էպիկական վեհությունը, նրա այտրուիզմը, հայրենիքի և ընդհանրապես բոլոր ժողովուրդների ազատության ու բարօրության համար նրա անձնուրաց պայքարը: Այդ վսեմի կողքին ներկայացված են նաև նսեմն ու շնչինը, մարդատյացն ու բռնակալը՝ Մսրամելիքը: Դյուցազնավեսում էպիկական դրամաիզմակր անդևս է գալիս ալնպիսի իրադրության մեջ, երբ առկա են բախումներ ու ներհակություններ վեսի ու շնչինի միջև: Զարմանալի տրամաբանությամբ ժողովուրդը Մելիքին ու Դավթին եղբայրացրել է՝ ավելի ցայտուն ու հատկորոշ ցույց տալու համար հումանիստն ու մարդատյացը, չարն ու բարին:

Դավթի հումանիզմը հայ աշխատավոր ժողովրդի հայացքն է, դարերով սրբազորված նրա բարոյական սկզբունքը:

Ժողովրդի բարօրության համար Դավթը անխնա պատմում է անաշխատ պորտաբույծին, աշխատավոր մարդու կողոպտիչին, դրա հետ մեկտեղ եղբայրանում արդար վաստակով կյանքը շենացնող մարդկանց հետ:

Եթե հանճարեղ Հոմերոսը հրաժարվում է հասարակ ժողովրդի երգիչ դառնալուց և ժողովրդի ներկայացուցիչ Թերսիդեսին հանդես է բերում որպես մտավոր ու ֆիզիկական մի ոչնչություն, ապա «Սասունցի Դավիթ» էպոսը հենց աշխատավոր ժողովրդի հերոսական արարքների զեղարկեստական պատկերն է: Այստեղ և՛ հեղինակն է ժողովուրդը, և՛ հերոսներն են ներկայացնում ժողովրդին: Էպոսում արտաքին բռնակալը՝ Մսրա Մելիքը, միաժամանակ ներքին հարստահարիչ է՝ Մսրա ժողովրդի շահագործողը: Հետևաբար, պայքարը արտաքին կողոպտիչի դեմ պայքար է նաև ներքին շահագործողների նկատմամբ: Սրանումն է «Սասունցի Դավիթ» էպոսի հումանիզմի գեմոկրատական բովանդակությունը: Էպոսում այդ բանի փայլուն արտահայտությունն է այն էպիզոդը, երբ Մսրա ձերունին խորին համոզմունքով նշմարտությունը բացում է իր հայրենիքի տյառնության համար արդարացի կովի ելած հզոր Դավթի առաջ, որ ողջ բանակի ղեկավորներից և ոչ մեկն էլ իր կամքով չի եկել, նրանց բոլորին էլ զոռով են կովի դաշտ բռնել. «Կիտցած էլնես, որ ինոնցից մեկն էլ ուր կամքով չիկե կովի, ապա գմենն էլ զոռով պիրեր են քո դեմ»³⁴: Մերուին մատնացույց է անում իսկական ու միակ թշնամուն՝ Մսրա Մելիքին. «...քո դուշման զո էն չաղրի մեջն ի. ինորից զատ բե դուշման չկա»:

* * *

Մի սերնդից մյուսին է անցնում այն, ինչ առաքինի է, բարի, մարդկային, ինչ բխում է ժողովրդի սրտից, զուլալ է, անսուտ: Դրանք զաղափարներ են, որոնք ազգային լինելով հանդերձ՝ չունեն ազգային սահմաններ, հետևապես և համամարդկային են:

Իրանական էպոսի հերոսների պայքարը ընդդեմ խավարի ու չարի պաշտպանների, մոտ է եղել հայ ժողովրդի սրտին. «Իրանական վեսն ու առասպելը,— գրում է մեծանուն էպոսագետ Կ. Մելիք-Ռահմանյանը,— իջնում են հայ գյուղացու խրճիթն ու արմատներ ձգում նրա հոգևոր աշխարհի անդաստանում»³⁵:

Դարեր շարունակ ապրելով կողք-կողքի հայ և պարսիկ ժողովուրդները հաղորդակից են պարձել իրենց հոգևոր հարստություններով: Հայ գյուղացին սիրել է իրանական էպոսի հերոսներին, ոգևորվել նրանցով, պատմել է այն ու նրանց ամուր թելերով կապել է «Սասնա ծռերի» հետ և դարձրել հոգեհարազատ:

Այսպես, Բ. Խալաթյանցի կողմից գրի առնված «Ռուստամ Զալի» վարիանտներից մեկում ասվում է, որ «Ավալ ժամանակ Սասումա քաղաք Զալ թագավոր կը տիրեր... Զալ թագավորին կեր մեկ աղբեր, անուն Դավիթ... Դավիթ ուներ մեկ տղա, անուն Բուրգե»³⁶: Բուրգեն և Իրանի մյուս փահլևանները կոչվում են Սասնա ծռեր: Ռուստամը և Զալը սասունցի են: Ռուստամի հետ թշնամիների զեմ կովի է դուրս գալիս Չենով Հովանը:

Սասունը քաջեր, մարդկության բարօրության համար մարտնչող դյուցազուններ է ծնում, Դուստամն էլ քաջ է ու կովում է բռնության դեմ՝ հետևաբար սասունցի է, 'Դավթի եղբայրը: Նույն

³³ «Սասնա ծռեր», հատ. Բ, առաջին մաս, էջ 146:

³⁴ «Սասնա ծռեր», հատ. Բ, երկրորդ մաս, էջ 170:

³⁵ Կ. Մելիք-Ռահմանյան, Շահ-Նամեի վիպական մոտիվները հայ գյուղացու հոգևոր աշխարհում, Ֆիրդուսու 1000-ամյակին նվիրված ժողովածու, 1934, Երևան, էջ 113:

³⁶ Բ. Խալաթյանց, Իրանի հերոսները հայ ժողովրդի մեջ, Փարիզ, 1901, էջ 24:

սկզբունքը մենք տեսնում ենք հենց մեր էպոսում: Փոքր Մհերի հյուղը ավելի շուտ է կաղամավոր-
ժել, և Մհերը ոչ մի ազգակցական կապ չունի Դավթի հետ: Դավիթը ազգակից չէ ոչ Մհերին և
ոչ Սանասարին ու Բաղդասարին: «...Դավթի կյանքը և գործերը,— նկատել է դեռ Սրվանձության-
ցը,— միջին դարերուն կը վերաբերին, բայց անմիջական դավակ լինել Աղրամելիքին, այդ հավի-
տենական առասպել էս»³⁷:

Դյուցազնավեպում Սանասարն ու Բաղդասարը, Մեծ Մհերն ու Դավիթը, Փոքր Մհերն ու
Քեռի Թորոսը քաջերի տարբեր սերունդներ են, պատմական տարբեր շրջանների հերոսական ար-
ձագանք, որոնց ժողովուրդը կապել է որպես եղբայրներ, հայր ու որդի, քեռի ու հորեղբայր՝ հիմք
ընդունելով դյուցազունների ներքին արժանավորությունները՝ հայրենասիրությունը, հումանիզմը,
մարդկության բարօրությանը ծառայելու պատրաստակամությունը:

«Սասունցի Դավիթ» էպոսը հատկապես վերջին հատվածներում դառնում է առավել ևս խոր-
հրդանշական ու տիեզերական: Մհերը դուրս է գալիս աշխարհի շարունակյալ ղեմ: Նա, ինչպես իր
դյուցազուն նախորդները, շարունակում է կռվել արտաքին ստրկացնողների դեմ, բայց ավելի
հուժկու ատելությամբ է լցված սոցիալական անարդարությունների նկատմամբ: Մհերը իր հերո-
սական արարքներով ցանկանում է աշխարհից վերացնել լեռնացած թշվառությունը: Մարդու ա-
պատության ու բարօրության համար է մարտնչում Մհերը Հալեպի շար, մարդակեր պառավի դեմ
կամ օտար հարկահանների դեմ՝ առասպելական Բուրջա քաղաքում: Նա հեղեղումից ազատում է
Ջղիրու քաղաքը՝ հսկա ժայռեր զլորելով գետի մեջ՝ կառուցում է Բրջա-Բալաք բերդը՝ քաղաքի
ապահովության համար: Մհերի հումանիզմը աշխատավոր ժողովրդի հումանիզմն է: Պատահա-
կան չէ, որ նա դառնում է «իրիցու տղա» և կռիվ գնացող վեզիրի տղային ձիուց ցած է զլորում,
խլում գենքերը. «Տեսավ՝ վուզրի լաճ ձի մ՝ խեծի» ճակիր կապի, կերթա... Մհերն էլ սիլե մ՝
լղարկ ականջի տակ, ձիուց իրի տակ»³⁸: Կամ ինչպես «այծի կողաշարքով» սպանում է թագա-
վորի բոլոր պալատականներին:

Սոցիալական դարավոր պայքարի գեղարվեստական յուրահատուկ արտացոլում է էպոսում
կնոջ, որպես հասարակության իրավագոր անդամի, իրավունքների պաշտպանությունը, ազատ ու
անկաշկանդ սիրո, կյանքի և գեղեցկության փառաբանումը: Մի հանգամանք, որ Թոնդրակյան
գաղափարների, որպես ժամանակի առաջադեմ գաղափարների մարմնավորումն է էպոսում՝ ի
հակադրություն ֆեոդալական ոեակցիոն աշխարհայեցողության, մասնավորապես, միջնադարյան
սակետի դմին:

Ժողովուրդը էպոսում պատկերել է կրոնական կապանքներից ու ֆեոդալական հասարակու-
թյան ստորացնող օրենքներից միանգամայն ազատ և ինքնուրույն կանացի կերպարներ, ինչպես
Ծովինարը, Արմաղանը, Խանդուբը, Գոհարը, Չմշկիկ Սուլթանը և ուրիշներ: Նրանք իրենց թե՛
հոգեկան և թե՛ ֆիզիկական կարողությամբ չեն դիջում տղամարդկանց ու նրանց հետ գործում
են իբրև հավասարը հավասարի հետ: Հենց Դավթին ուղղված խանգովի այն խոսքը, թե «դու
քո հոր կտրիճն ես, ևս լե իմ» կամ Խանդուբի մասին Քեռի Թորոսի այն պատկերավոր արտա-
հայտությունը, թե «առյուծն առյուծ ա, էղնի էգ, թե որձ մեկ է», կանանց իրավահավասարու-
թյան վերաբերյալ ժողովրդի դավանած հայացքն է ու պատկերացումը:

Իրանական էպոսում կանայք հանդես են գալիս քողածածկ դեմքերով, հլու իրենց ստրկական
հիճակին: Գերմանական «Նիբելունգների երգ»-ում կինը ծնողների կամքին ու ցանկության հլու
մի էակ է, ունի իր պարտականությունը և հեռու է իր մաքուր զգացմունքները անկեղծ ձևով ար-
տահայտելուց:

Ինչպես «Շահ-Նամեում», այնպես էլ «Նիբելունգների երգ»-ում տիրապետող է ֆեոդալական-
արիստոկրատական նեղ դասակարգային հասկացողությունը կնոջ, սիրո, ընտանիքի հարցերում:
Հայկական էպոսում աշխատավոր ժողովուրդը ազատ, փոխազարձ սիրո գաղափարն է պատգա-
մում Քեռի Թորոսի բերանով:

Էտի աղջկա բանն ա.

Որ մեկիդ տղին կ'առնի, թո առնի³⁹.

37 Գ. Սրվանձությանց, Գրոց ու բրոց և Սասունցի Դավիթ կամ Մհերի դուռ, Կ. Պոլիս, 1874, էջ 129:

38 «Սասնա ծռեր», հատ. Ա, էջ 115:

39 «Սասնա ծռեր», հատ. Բ, Երկրորդ մաս, էջ 143:

Կամ՝ «խնձորով սիրելու» բուն ժողովրդական հայացքը արտահայտված է խանդավառ միտքով:

էն զախ՝ ես որի սրտի վրեն

Որ խնձոր զարենեմ, իմ խավնաձն են ի՜40:

այ ժողովուրդը իր կերտած հանճարեղ էպոսում, որն իր վրա կրում է հայկական վերածնունդի զրոշմը, ժխտական դիրք բռնելով կնոջ ստրկական վիճակի նկատմամբ՝ պաշտպանում է ազատ բնությունը, փոխադարձ սիրո մարդկային վսեմագույն զաղափարները: Էպոսում մարմնա-
 55 էլ են աշխատավոր ժողովրդի փիլիսոփայական խորհումները, որ սերը չենց ինքը կյանքն է, կյանքի իմաստն ու խորհուրդը: Զի կարելի հայրենասեր լինել՝ առանց սիրելու մորը, ընտանի-
 60 չին, և հումանիստ լինել՝ առանց հայրենիք ու ընտանիք ունենալու: Վերջապես սերը մարդու ալն
 65 սրբազան ու վեհագույն զգացմունքն է, «որ ծնում է հանճարեղ մտքեր ու զգացմունքներ»⁴¹:

Ստար նվաճողների ու ֆեոդալական կեղեքման դեմ հայ ժողովրդի մղած դարավոր սլաքարի
 70 լնթացքում ձևավորվեցին բարձր հումանիզմի, աշխատասիրության ու հայրենասիրության սկզբ-
 75 լունքները, մեր դյուցազնավեպի անանց դեղարվեստական առանձնահատկությունները, այն ար-
 80 ժանիքները, որոնք ժողովուրդը իր հանճարեղ բանականության ու «կամքի բուրվառով» առաքել
 85 է ապագա սերունդներին, արժանիքներ, որոնք «կազմում են հայ դրականության հավերժական
 90 կասկիտայր»⁴², մեր ժողովրդի իմաստասիրության անմահ հուշարձանը:

⁴⁰ «Սասնա ծռեր», հատ. Ա, էջ 1072:

⁴¹ Ստ. Ջորյան, Երկերի ժողովածու, հատ. 10, 1964, Երևան, էջ 467:

⁴² Ա. Տերտերյան, Սասունցի Դավթի հազարամյակը, Սասունցի Դավթի, Պետհամալսարանի հրատարակչություն, 1939, Երևան, էջ 40: